

30 id, mi Alli, non est turpe, magis miserum est.
 ignosces igitur, si, quae mihi luctus ademit,
 haec tibi non tribuo munera, cum nequeo.
 nam, quod scriptorum non magna est copia apud me,
 hoc fit, quod Romae vivimus: illa domus,
 35 illa mihi sedes, illic mea carpitur aetas;
 huc una ex multis capsula me sequitur.
 quod cum ita sit, nolim statuas nos mente maligna
 id facere aut animo non satis ingenuo,
 quod tibi non utriusque petenti copia posta est:
 40 ultro ego deferrem, copia si qua foret.
 non possum reticere, deae, qua me Allius in re
 iuverit aut quantis iuverit officiis,
 ne fugiens saeculis obliviscentibus aetas
 illius hoc caeca nocte tegat studium:
 45 sed dicam vobis, vos porro dicite multis
 milibus et facite haec carta loquatur anus

 notescatque magis mortuus atque magis,
 nec tenuem texens sublimis aranea telam
 50 in deserto Alli nomine opus faciat.
 nam, mihi quam dederit duplex Amathusia curam,
 scitis, et in quo me torruerit genere,
 cum tantum arderem quantum Trinacria rupes